

TAKƏLAYA NKA YUTI NMAAWA TƏ Kutulutu

Yuti takəlaya ta siyisina yulu yaa kpekəle natəli. İso seelaa tənaya pə kpəntaa. İle mpa pa seyesəyi pəpətu seyesəy təyo Yuti yookina ı takəlaya taa. İ hüləyi si mpe inı paa tēsəna ké isı ləy nyəma, na isətaa tillaa mpa pa kula İso təo na ilé ı təyonı-wə tə.

İsəna pa faya Yuti takəlaya tə:

Kutulutu na seetu, 1-2

Pəpətu seyesəlaa na pa hūnəv təm, 3-16

Tampana təylaa í təkı pa taa tēm kē teu, 17-23

İso kuləm na ta waasulu Yesu pa samtu, 24-25

Seetu

¹ Maya Saakı neu Yuti, Yesu Kilisiti təmle tə.

Má ηmaana takəlaya kanəye mpa Tacaa İso yaawa na í səoli-wə, na Yesu Kilisiti ná təkə-wə tə.

² İso í huli-məye suulu, na í ha-məye alaafəya, na í tu-məye təma səoluyə na pə təo səsəm.

Seyesəlaa pəpətnaa (Piye II 2:1-17)

³ Ma taapalaa, ma lupa teu si nyuyə yapu təm nti tə ké tá tənə tá təm tə pə təm kē má ηmaa-mə. Kəna pə caali-m si má ηmaa-məye takəlaya kanə na má səsı-məye apalutu na í yoo İsəsəle nte İso ha təm kuləm təo ké kpakpaa kē mpa ı tı tə pə yoo. ⁴ Pə taya pulu təo, yəlaa asayaa napəli mpa pa suwa təkəv ké ta taa tə, mpe pa kəena tá İso pəeləe təm na pá kusəyənə pa

asilima taa tãntẽ tãm nyũyũ, na pá kisiyi Yesu Kilisiti wei ı tike tãkõj ı ke Tacaa na ta Sõsõ tã. Pa tẽma kpaalũyũ ke Isõ Tãm takølaya taa kẽ hatuu lõj ke pa tãm kũyũ.

⁵ Paa na í ka tẽma-tøyi nyãm tãkpataa tã, pã wẽẽ sɪ má tasa-meyẽ lentɪ tãõsũyũ ke ɪsəna Tacaa yapa ɪseyeli yəlaa ke ɪcipiti taa na pã waalɪ í kũ mpa pa ta tẽmɪ-ɪ na pa taa tã. ⁶ ɪ tãõsɪ sɪ ɪsətaa tillaa mpa pa lanja ta hɛɛna pəsũyũ ŋku pã ha-wɛ sɪ pa lakəna, na pá kuli na pá yele pa mayamaya pa lona tã, Isõ həkə-weyẽ alukpala ke tam tãõ, na í sũ-weyẽ atɛ səkpetũyũ taa, na í tanja kuyaku səsəõũ. Kũ wule ke ı ká tũ-weyẽ saləka.

⁷ ɪ tãõsɪ sɪ Sətəm na Kəmõõ na acaleɛ nna a cəõna-yɛ tã a yəlaa lakaya kẽ ɪsũ ɪsətaa tillaa panɛ. Pa lakaya asilima kulaputv kẽ. Pa təŋaya pa tənəj kũnyuləŋ ɪsayaŋ wei ı fɛɪ lapv tã. ɪlɛ kəkõ tam nyəŋka ntɛ pa saləka, na mpi pã lapa-weyẽ mpv tã pã kpaala paa wei kẽ tãkelekele.

⁸ Yəlaa mpa pa sũwa tãkɛv kẽ ɲpúyũ mə hɛkv tã mpv pã mayamaya ke pɛlɛ pa lakɪ. Pa toosee nna pa toosiyi na pá təŋəyi mpv na pá lakɪ tã anɪ a tʊsəyənə-wɛ na pá wakələyi pa tɪ, na pá footiɪyi Isõ səsəõntv, na pá tũkɪ ɪsətaa teeli nyáma. ⁹ ɪsətaa tillu səsõ Misɛɛɪ ta la mpv. Moisi səpa na Misɛɛɪ na ɪlɔyũ pá hənɪ-ɪ na pá yookɪ tã, Misɛɛɪ ta kuli nəyõ na í kũ ɪlɔyũ tãm na kũtũyũ. Ama ı tãma-ɪ kẽ sɪ: Tacaa ká nana-ŋ.

¹⁰ Yəlaa panɛ, mpi pa ta nyɪ tã mpəyi pa tũkɪ. Na mpi pa nyəmə yem kẽ pa tɪ ɪsũ taalɛ wontu mayamaya nyəŋyũ tã, mpi pã kũyuna-wɛ tãkpataa. ¹¹ Pa tãm wɛ waiyõ kẽ. Kayini ɪkpate ke pa təŋəyi, na pəyølaya tãõ kẽ pa tolisa pa tɪ ɪsũ Palaam lapv tã. ɪsəna mpi Kolee ná kpɛəsəna Moisi tã ɲpúyũ pa lapa, ɪlɛna pá wakəlɪ tənəŋnanj. ¹² Yɛ pa wɛ mə təyənasi tətəyɔlɛ,

tususyu wenna, na tənaya pa pəsəyəna pa acima na fēele tu fēi-wē, hiliŋ haana. Pa wēē ké isü tēv piluyuu na heelim kusi-ku tō, na isü tiŋ wei paa pə tala ı lölvyu u löləyi tō, na isü tiŋ wei pa kpesəna ı lila na í woli yem təwəkəkō tō. ¹³ Pa kulaputu löləsəyi fēele fēi tēma ke pa kiŋ ké isü tenku hula pááná nyəna təkvyu kuhulan tō. Pa wēē ké isü isətulŋası kəkpesası. Iso tēma-wēye pa təcayale caav ke səkpetiile anaam taa ké.

¹⁴ Atam saali kulelvu naatosompəyolaya nyəŋ nté Henəki, na inı ı ka nana yəlaa panē pa təm ke hatuu ləŋ na í yəyətı sı: ı tu ŋkpaŋŋ na í nu. Tacaa ká kəə na ı ká kpeŋna ı isətaa tillaa nanŋ nyəma isü iyisi naanəwa, ¹⁵ sı ı huəkəna yəlaa tənaya təm. ı ká ku asayaa tēna mpa pa kpesəna Iso na pá lá tēma asayee ane a tēna tō, na isayətəm nti kawalası nyəma mpa paa see nəyəlɔ tō pa tu-ı tō pa təm. ¹⁶ Yəlaa panē, tam ké pa kontəyi na pá kaləyi. Pa mayamaya pa kunyuləŋ ke pa təŋəyi. Kalampaanı təm ke pa yəyətəyi, na mpa pa kiŋ kawaaya wēē təyɔ pa taləyi.

Kantəkaya kvyeeŋ taa tēma

¹⁷ Ama ma taapalaa mē, mu təəsı nti Tacaa Yesu Kilisiti tillaa heela-mēye tuu ləŋ tō. ¹⁸ Pa heela-mēye sı: Tampana təə, kvyeeŋ kütēsəŋ taa, yəlaa ká lu mpa pa təŋəyi pa kunyuləŋ isayan tō, na paa won-mē. ¹⁹ Mpe pa yelina na fayav kəŋ, pa yulwəetv ŋmakələna-wē, pə taya Iso Feesuyu. ²⁰ Ama ma taapalaa mē, mu səəsı tən ke mə Iso sēv kupam nanŋ nyəm taa ké tam. ı sələməna Iso Feesuyu Nanŋtv pəsuyv, ²¹ na í səŋ Iso səlvyu təm taa ké tam na í tanaa sı Tacaa Yesu Kilisiti í ha-mēye weesuyu ŋku ku ten təyɔ ı kupantv təə.

²² Sika nyéma tām í la-meyε pētōtēε. ²³ I hō-we na í lāsí kākō taa na í ya pa nyōō. Lēlaa tām í la-meyε pētōtēε tōtō na sōyōntv. Ama pē kpayav pa wontu nti pa yulwēεtv asilima taanaa tō í taa tokina.

Isō sam

²⁴ Isō pēsōyi na í te-meyε tōhotile tōna taa, na í la na í sōy í isēntaa na í fēina kawalaya, na lanholōmle kygi-mε. ²⁵ Ta Yatv Isō wei iní í tike í kē Isō tō í teeli na í sōsōōntv na í pēsuyv na í tōy ka wε mpyōy, íε pē wεε mpyōy saŋa taa na tam tōō kē Tacaa Yesu Kilisiti tōō. Ami.

PHIPILI USO TŌM TAKELAYA
Portions of the Holy Bible in the Lokpa language of
Benin

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 21 Feb 2024 from source files dated 31 Aug 2023

ef14191a-91f7-51c1-ac89-7b93dd7c4377